

BOSNA I HERCEGOVINA UPRAVA ZA INDIREKTNO OPOREZIVANJE

72

Na osnovu člana 14. Zakona o sistemu indirektnog oporezivanja u BiH ("Službeni glasnik BiH", br. 44/03, 52/04, 34/07, 4/08, 49/09 i 32/12), člana 15. stav (1) Zakona o Upravi za indirektno oporezivanje ("Službeni glasnik BiH", broj 89/05) i člana 11. Zakona o akcizama u Bosni i Hercegovini ("Službeni glasnik BiH", br. 49/09, 49/14, 60/14 i 91/17), Upravni odbor Uprave za indirektno oporezivanje, na sjednici održanoj 18. decembra 2017. godine, donio je

PRAVILNIK O IZMJENAMA I DOPUNAMA PRAVILNIKA O PRIMJENI ZAKONA O AKCIZAMA U BOSNI I HERCEGOVINI

Član 1.

U Pravilniku o primjeni Zakona o akcizama u Bosni i Hercegovini ("Službeni glasnik BiH", br. 50/09, 80/11, 48/12, 74/14 i 85/17) iza člana 6. dodaju se novi članovi 6a. i 6b., koji glase:

"Član 6a.

(Tečni naftni plin)

Tečnim naftnim plinom u smislu člana 5. stav (1) tačke e) Zakona smatra se tečni naftni plin iz tarifnog broja 2711 koji se koristi isključivo za pogon motornih vozila.

Član 6b.

(Biogoriva i biotečnosti)

- (1) Biogorivima i biotečnostima iz člana 4. stava (2) tačke g) Zakona smatra se tekuće i plinovito gorivo proizvedeno iz biomase.
- (2) Biomason za proizvodnju biogoriva i biotečnosti, smatra se biorazgradivi dio proizvoda, otpada i poljoprivrednih ostataka (uključujući biljne i životinjske tvari), ostataka u šumarstvu i za šumarstvo vezanih industrijskih grana, kao i biorazgradivi dio industrijskog i kućnog otpada.
- (3) Biogorivima i biotečnostima iz stava (1) ovog člana, smatra se tekuće ili plinovito gorivo i to:
 - a) bioetanol (etil alkohol - C_2H_5OH) - nedenaturirani etil alkohol s volumenskim sadržajem alkohola 80 vol. % ili većim iz tarifne oznake Carinske tarife Bosne i Hercegovine 2207 10 00 00; etil alkohol denaturirani, bilo koje jačine iz tarifne oznake 2207 20 00 00; nedenaturirani etil alkohol s volumenskim sadržajem alkohola manjim od 80 vol.%, u posudama zapremine 2 l ili manje iz tarifne oznake 2208 90 91 00 i nedenaturirani etil alkohol sa volumenskim sadržajem alkohola manjim od 80 vol. %, u posudama zapremine veće od 2 l iz tarifne oznake 2208 90 99 00;
 - b) biodizel (mono alkil ester masnih kiselina) iz tarifnih oznaka 3826 00 10 00 i 3826 00 90 00;
 - c) etil terc butil eter (ETBE) iz tarifne oznake 2909 19 10 00;
 - d) bioplin (mješavina plinova: metana - CH_4 (više od 45% vol.), ugljikovog dioksida - CO_2 , u tragovima dušika- N_2 , vodika- H_2 i vodikovog sulfida- H_2S) iz tarifne oznake 2705 00 00 00;

- e) biodimetileter (CH_3-O-CH_3) iz tarifne oznake 2909 19 90 00;
- f) biometanol iz tarifne oznake 2905 11 00 00;
- g) sintetička biogoriva: sintetski ugljikovodici ili njihove mješavine proizvedene iz bio mase iz Glave 29, a koji se koriste isključivo za pogon motornih vozila;
- h) biovodik: vodik, proizveden iz biomase i/ili biorazgradljive frakcije otpada, kako bi se koristio kao biogorivo iz tarifne oznake 2804 10 00 00."

Član 2.

U članu 13. u stavu (1) tačka a) iza riječi d) veznik "i" zamjenjuje se znakom interpunkcije "zarez" a iza tačke e) dodaju se riječi "i g)".

Član 3.

U članu 15. iza stava (2) dodaje se novi stav (3) koji glasi:
"(3) Odredbe iz stava (1) i stava (2) ovog člana primjenjuju se mutatis mutandis i na biogoriva i biotečnosti."

Član 4.

U članu 29. u stavu (1) iza riječi d) veznik "i" zamjenjuje se znakom interpunkcije "zarez", a iza tačke e) dodaju se riječi "i g)".

Član 5.

U članu 34. u stavu (1) iza riječi d) veznik "i" zamjenjuje se znakom interpunkcije "zarez", a iza tačke e) dodaju se riječi "i g)".

Član 6.

U članu 65. iza stava (2) dodaje se novi stav (3) koji glasi:
"(3) Imaoci skladišta biogoriva i biotečnosti i skladišta tečnog naftnog plina za pogon motornih vozila, koji prema propisima koji su bili na snazi prije donošenja Zakona o izmjenama i dopunama Zakona o akcizama u Bosni i Hercegovini ("Službeni glasnik BiH", broj 91/17), nisu bili u obavezi registriranja istih kod UIO, dužni su stupanjem na snagu tog Zakona izvršiti registraciju skladišta biogoriva i biotečnosti i skladišta tečnog naftnog plina za pogon motornih vozila, suglasno odredbama člana 14. Pravilnika, u roku od 30 dana od dana početka primjene tog Zakona."

Član 7.

Iza člana 66. Pravilnika dodaju se novi članovi 66a. i 66b. koji glase:

"Član 66a.

- (Popis zaliha naftnih derivata i biogoriva i biotečnosti)
- (1) Porezni obveznici i druga lica koji sa bave prometom naftnih derivata i prometom biogoriva i biotečnosti dužni su na dan početka primjene Zakona o izmjenama i dopunama Zakona o akcizama u Bosni i Hercegovini ("Službeni glasnik BiH", broj 91/17) izvršiti popis zaliha akciznih proizvoda čijim prometom se bave, obračunati akcizu na popisane zalihe, te u roku od sedam dana od dana izvršenog popisa dostaviti nadležnom regionalnom centru UIO popisne liste sa obračunom razlike akcize za uplatu.
 - (2) Popisna lista iz stava (1) ovog člana treba sadržavati najmanje sljedeće podatke:
 - a) vrsta akciznog proizvoda;
 - b) jedinica mjere;
 - c) količina;
 - d) akciza obračunata prema ranije važećim propisima;
 - e) akciza obračunata u skladu sa Zakonom iz stava (1) ovog člana;
 - f) razlika akcize za uplatu (e-d);
 - g) cestarina za ceste od 0,15 KM po litru obračunata prema ranije važećim propisima;
 - h) cestarina za ceste od 0,15 KM po litru proizvoda, odnosno kilogramu tečnog naftnog plina obračunata u skladu sa Zakonom iz stava (1) ovog člana;
 - i) razlika cestarine za ceste za uplatu (h-g);

- j) cestarina za izgradnju autocesta od 0,10 KM po litru obračunata prema ranije važećim propisima;
- k) cestarina za izgradnju autocesta i za izgradnju i rekonstrukciju drugih cesta od 0,25 KM po litru proizvoda, odnosno kilogramu tečnog naftnog plina obračunata u skladu sa Zakonom iz stava (1) ovog člana i
- l) razlika cestarine za izgradnju autocesta i za izgradnju i rekonstrukciju drugih cesta za uplatu (k-j).

Član 66b.

(Obračun i plaćanje akcize i cestarine iz člana 66a.)

- (1) Porezni obveznici i druga lica iz člana 66a. Pravilnika, dužni su uplatiti obračunatu razliku:
 - a) akcize iz člana 66a. stav (2) tačka f);
 - b) cestarine za ceste iz člana 66a. stav (2) tačka i) i
 - c) cestarine za izgradnju autocesta i za izgradnju i rekonstrukciju drugih cesta iz člana 66a. stav (2) tačka 1).

- (2) Plaćanje razlike iz stava (1) ovog člana vrši se u roku od deset dana od dana izvršenog popisa, a na način i u skladu s propisima kojim je uređeno plaćanje indirektnih poreza i ostalih prihoda i taksu koje naplaćuje UIO."

Član 8.

Sastavni dio ovog Pravilnika je i izmijenjeni obrazac PDA kojim se mijenja oblik i sadržaj obrasca PDA iz člana 34. Pravilnika, kao i izmijenjeno Uputstvo za popunjavanje prijave akcize.

Član 9.

Ovaj Pravilnik stupa na snagu osmog dana od dana objavljivanja u "Službenom glasniku BiH", a primjenjuje se sa danom početka primjene Zakona o izmjenama i dopunama Zakona o akcizama u Bosni i Hercegovini ("Službeni glasnik BiH", broj 91/17).

Broj 02-17-122-1/17
03. januara 2018. godine
Sarajevo

Predsjedavajući
Upravnog odbora UIO
Vjekoslav Bevanda, s. r.

BAR KOD

PRIJAVA AKCIZE

Obrazac PDA

1. naziv poreznog obveznika

2. adresa

3. poštanski broj/mjesto

4. identifikacioni broj

5. period

dostaviti

Regionalni centar: _____

Vrsta prihoda		Naziv proizvoda	I		II	
			Porezna osnovica, količina/MPC	Stopa/ iznos po jedinici	Obracunata akciza	
715410	1,1	Bioetanol		0,30		
715410	1,2	Biodizel		0,30		
715410	1,3	Etil terc butil eter (ETBE)		0,30		
715410	1,4	Bioplín		0,30		
715410	1,5	Biodimetileter		0,30		
715410	1,6	Biometanol		0,30		
715410	1,7	Sintetička biogoriva		0,30		
715410	1,8	Biovodík		0,30		
715410	1	Akciza na biogoriva i biotečnosti				
715411	2,1	Dizel - gorivo i ostala gasna ulja		0,30		
715411	2,2	Petrolej (kerozin)		0,30		
715411	2,3	Ulje za loženje ekstra lako (ES) i lako specijalno (LS)		0,45		
715411	2,4	Motorni benzin - bezolovni		0,35		
715411	2,5	Motorni benzin		0,40		
715411	2	Akciza na naftne derivate (2.1+2.2+2.3+2.4+2.5)				
715412	3,1	Cigarete		42%		
715412	3,2	Cigarete		1,50		
715412		Ukupno 3,1 + 3,2				
715412	3,3	Cigarete sa MPC nižom od minimalne osnovice		42%		
715412	3,4	Cigarete sa MPC nižom od minimalne osnovice		1,50		
715412		Iznos minimalne akcize za uplatu				
715412	3,5	Cigare i cigarišosi		42%		
715412	3,6	Duhan za pušenje		104 XM/kg		
715412	3	Akciza na duhanske preradevine				
715413	4,1	Alkohol		15,00		
715413	4,2	Alkoholna pića		15,00		
715413	4,3	Voćna prirodna rakija		8,00		
715413	4	Akciza na alkohol, alkoholna pića i voćnu prirodnu rakiju (4.1+4.2+4.3)				
715414		Bezalkoholna pića		0,10		
715414	5	Akciza na bezalkoholna pića				
715416		Pivo p.p. u prethodne tri godine više od 400.000 hl		0,25		
715416		Pivo p.p. u prethodne tri godine manje od 400.000 hl		0,20		
715416	6	Akciza na pivo				
715418		Akciza na domaće vino		0,25		
715418	7	Akciza na domaće vino				
722534	8,1	Motorni benzin uključujući bezolovni		0,15		
722534	8,2	Dizel gorivo i ostala plinska ulja		0,15		
722534	8,3	Tečni naftni plin		0,15		
722534	8,4	Naknada za izgradnju cesta iz cijene domaće nafte i naftnih derivata (8.1+8.2+8.3)				
722536	8,5	Motorni benzin uključujući bezolovni		0,25		
722536	8,6	Dizel gorivo i ostala plinska ulja		0,25		
722536	8,7	Tečni naftni plin		0,25		
722536	8,8	Naknada za izgradnju autocesta i izgradnju i rekonstrukciju drugih cesta iz cijene domaće nafte i naftnih derivata (8.5 + 8.6+8.7)				
722538	8,9	Bioetanol		0,15		
722538	8,10	Biodizel		0,15		
722538	8,11	Etil terc butil eter (ETBE)		0,15		
722538	8,12	Bioplín		0,15		
722538	8,13	Biodimetileter		0,15		
722538	8,14	Biometanol		0,15		
722538	8,15	Sintetička biogoriva		0,15		
722538	8,16	Biovodík		0,15		

722538	8,17	Naknada za izgradnju cesta iz cijene domaćih biogoriva i biotečnosti (8.9+8.10+8.11+8.12+8.13+8.14+8.15+8.16)			
722540	8,18	Bioetanol		0,25	
722540	8,19	Biodizel		0,25	
722540	8,20	Etil terc butil eter (ETBE)		0,25	
722540	8,21	Biogas		0,25	
722540	8,22	Biodimetileter		0,25	
722540	8,23	Biometanol		0,25	
722540	8,24	Sintetička biogoriva		0,25	
722540	8,25	Biovodik		0,25	
722540	8,26	Naknada za izgradnju autocesta i izgradnju i rekonstrukciju drugih cesta iz cijene domaćih biogoriva i biotečnosti (8.18+8.19+8.20+8.21+8.22+8.23+8.24+8.25)			
	8	CESTARINA (8.4+8.8+8.17+8.26)			

U _____

M.P.

Dana, _____

podnosilac prijave

Uputstvo za popunjavanje prijave akcize-obrazac PDA

- U polje 1 upisati naziv obveznika akcize (naveden u Uvjeranju o registraciji od UIO);
- U polje 2 upisati adresu obveznika akcize (adresu navedenu u Uvjeranju o registraciji od UIO);
- U polje 3 upisati poštanski broj i mjesto gdje posluje porezni obveznik (naveden u Uvjeranju o registraciji od UIO);
- U polje 4 upisati identifikacioni broj obveznika akcize (naveden u Uvjeranju o registraciji za obveznika akcize);
- U polje 5 upisati porezni period u skladu sa Zakonom o akcizama u BiH (jedan kalendarski mjesec);
- U koloni I (Porezna osnovica, količina/MPC) upisati količinu u litrama za biogoriva i biotečnosti, derivate nafte, za alkohol, alkoholna pića i voćnu prirodnu rakiju upisati količinu izraženu u litrama apsolutnog alkohola, za bezalkoholna pića, pivo i vino upisati količinu u litrama, a za duhanske prerađevine upisati maloprodajnu cijenu i količinu po jedinici mjere. U ovu kolonu se ne upisuju količine koje su prodane odnosno isporučene, a za koje je članom 30. Zakona o akcizama u BiH propisano oslobađanje od plaćanja akcize.
- U koloni II (Stopa/iznos po jedinici) na prijavi su upisane propisane stope/propisani iznosi po jedinici mjere.
- U koloni III (Obračunata akciza) upisuje se iznos obaveze nastale po osnovu akcize, tj. iznos obračunate akcize u poreznom periodu za koji se prijava podnosi. Iznos obračunate akcize, koji se upisuje u prijavu je:
 1. Za biogoriva i biotečnosti iznos obračunate akcize na prodane odnosno isporučene količine u obračunskom periodu za svaki proizvod posebno. **U red 1 akciza na biogoriva i biotečnosti upisuje se ukupno obračunata akciza u obračunskom periodu za koji se podnosi prijava akcize.**
 2. Za derivate nafte iznos obračunate akcize na prodane odnosno isporučene količine u obračunskom periodu za svaki proizvod posebno. **U red 2 akciza na biogoriva i biotečnosti upisuje se ukupno obračunata akciza u obračunskom periodu za koji se podnosi prijava akcize.**
 3. Za duhanske prerađevine obaveza obračunavanja akcize nastaje podnošenjem zahtjeva za štampanje akciznih markica. Obračunavanje akcize za cigarete vrši se na način što se maloprodajna cijena cigareta u koju je uključen PDV množi sa stopom od 42% i obračunati iznos upisuje u red 3.1 prijave, dok se u red 3.2 prijave upisuje iznos obračunate posebne akcize, koja se obračunava na način da se iznos propisane posebne akcize po paklici cigareta množi sa količinom

paklica cigareta od 20 komada, dok se za pakiranja koja sadrže više ili manje od 20 komada po paklici, akciza obračunava srazmjerno broju komada u pakiranju. U red ukupno 3.1 + 3.2 upisuje se ukupno obračunata akciza, koja predstavlja zbir obračunate akcize na maloprodajnu cijenu i posebne akcize. Ako je ukupna akciza na cigarete, koja je obračunata na način propisan u članu 21. stav (1) tačke a) i b) Zakona o akcizama u BiH manja od minimalne akcize, koju je propisao Upravni odbor UIO, plaća se iznos minimalne akcize. Iznos minimalne akcize upisuje se u red iznos minimalne akcize za uplatu, s tim da se u red 3.3 upisuje iznos akcize obračunat po stopi od 42% na maloprodajnu cijenu u koju je uključen PDV, a u red 3.4 upisuje se iznos obračunate posebne akcize, pa u slučaju da je ukupno obračunata akciza, koja predstavlja zbir obračunate akcize iz reda 3.3 i 3.4 manja od minimalne, u red iznos minimalne akcize za uplatu upisuje se iznos minimalne akcize, koju je utvrdio Upravni odbor UIO. U red 3.5 prijave upisuje se obračunata akciza na ostale duhanske proizvode, koja je obračunata na način da se maloprodajna cijena duhanskih proizvoda u koju je uključen PDV množi sa stopom od 42%. U red 3.6 prijave upisuje se akciza obračunata na prodane odnosno isporučene količine duhana za pušenje u obračunskom periodu. **U red 3 akciza na duhanske prerađevine upisuje se ukupno obračunata akciza u obračunskom periodu za koji se podnosi prijava akcize.**

4. Za alkohol, alkoholna pića, voćnu prirodnu rakiju upisuje se akciza obračunata na prodane odnosno isporučene količine u obračunskom periodu za svaki proizvod posebno. **U red 4 akciza na alkohol, alkoholna pića i voćnu prirodnu rakiju upisuje se ukupno obračunata akciza na prodane odnosno isporučene količine u obračunskom periodu za koji se podnosi prijava akcize.**
5. Za bezalkoholna pića iznos obračunate akcize na prodane odnosno isporučene količine u obračunskom periodu. **U red 5 akciza na bezalkoholna pića, upisuje se ukupno obračunata akciza u obračunskom periodu za koji se podnosi prijava akcize.**
6. Za pivo, iznos obračunate akcize na prodane odnosno isporučene količine u obračunskom periodu. **U red 6 akciza na pivo, upisuje se ukupno obračunata akciza u obračunskom periodu za koji se podnosi prijava akcize.**

7. Za vino, iznos akcize obračunate u poreznom periodu na prodane odnosno isporučene količine vina u obračunskom periodu za koji se podnosi prijava akcize. **U red 7 akciza na domaće vino, upisuje se ukupno obračunata akciza u obračunskom periodu za koji se podnosi prijava akcize.**

8. CESTARINA

- U koloni I (Porezna osnovica, količina/MPC) upisati količinu u litrama za biogoriva i biotečnosti, derivate nafte i to za motorni benzin, uključujući i bezolovni, neovisno od oktanske vrijednosti i komercijalnog naziva i dizel gorivo i ostala plinska ulja, tečni naftni plin za pogon motornih vozila (član 5. stav (1) tačka a), b) i e) Zakona o akcizama u BiH). U ovu kolonu se ne upisuju količine koje su prodane odnosno isporučene, a za koje je članom 36. Zakona o akcizama u BiH propisano oslobađanje od plaćanja cestarine.
- U koloni II (Stopa/iznos po jedinici) na prijavi su upisani propisani iznosi po jedinici mjere.
- U koloni III (Obračunata akciza) upisati iznos obaveze nastale po osnovu cestarine, tj. iznos obračunate cestarine u poreznom periodu za koji se prijava podnosi za svaki proizvod posebno. Iznos obračunate cestarine koji se upisuje u prijavi je:
 - 8.4 Za derivate nafte iz člana 5. stav (1) tačke a), b) i e) iznos obračunate naknade za izgradnju cesta iz cijene domaće nafte i naftnih derivata na prodane odnosno isporučene količine u obračunskom periodu;
 - 8.8 Za derivate nafte iz člana 5. stav (1) tačke a), b) i e) iznos obračunate naknade za izgradnju autocesta i izgradnju i rekonstrukciju drugih puteva iz cijene domaće nafte i naftnih derivata na prodane odnosno isporučene količine u obračunskom periodu;
 - 8.17 Za biogoriva i biotečnosti iz člana 4. stav (2) tačka (g) iznos obračunate naknade za izgradnju cesta iz cijene domaćih biogoriva i biotečnosti na prodane odnosno isporučene količine u obračunskom periodu;
 - 8.26 Za biogoriva i biotečnosti iz člana 4. stav (2) tačka (g) iznos obračunate naknade za izgradnju autocesta i izgradnju i rekonstrukciju drugih cesta iz cijene domaćih biogoriva i biotečnosti na prodane odnosno isporučene količine u obračunskom periodu.

Prijava akcize - obrazac PDA mora biti datiran, potpisan od odgovornog lica - podnosioca prijave i ovjeren poslovnim pečatom.